



Број/Број: 02/2,01/5,03/11-05-1-13/13

Сарајево/Sarajevo, 11.3.2013.

KOLEGIJI OBA DOMA

KOMISIJA ZA SAOBRAĆAJ I KOMUNIKACIJE PREDSTAVNIČKOG DOMA

KOMISIJA ZA VANJSKU I TRGOVINSKU POLITIKU, CARINE, SAOBRAĆAJ I KOMUNIKACIJE DOMA NARODA

KOLEGIJ SEKRETARIJATA

PARLAMENTARNE SKUPŠTINE BOSNE I HERCEGOVINE

***PREDMET: IZVJEŠTAJ S PARLAMENTARNOG FORUMA O TEMI:
“MEĐUNARODNA SARADNJA ZA ENERGETSKU REVOLUCIJU“,
BRISSEL, BELGIJA, 7. i 8. MART 2013. GODINE***

Parlamentarni forum „Međunarodna saradnja za energetska revoluciju“ održan je u Evropskom parlamentu u Briselu (Belgija) 7. i 8. marta 2013., u organizaciji Klimatskog parlamenta. Na Forumu su učestvovali predstavnici parlamenata 19 zemalja iz Evrope, Azije, Afrike, te Evropskog parlamenta. Iz Parlamentarne skupštine BiH Forumu su iz Komisije za saobraćaj i komunikacije Predstavničkog doma prisustvovali Mirza Kušljugić, prvi zamjenik predsjedavajućeg, te članovi Anto Domazet, Zijad Jagodić, Šemsudin Mehmedović i Borislav Bojić. Iz Komisije za vanjsku i trgovinsku politiku, carine, saobraćaj i komunikacije Doma naroda prisustvovala je Nermina Kapetanović te Lara Borovina iz Sektora za međunarodne odnose i protokol.

Forum su otvorili: Graham Watson, predsjedavajući Klimatskog parlamenta, Kuoyu Tung, predstavnik za Belgiju i EU, Rajiv Pratap Rudy, predsjedavajući Grupe za Indiju Klimatskog parlamenta, Ndèye Lucie Cissé, predsjedavajuća parlamentarne komisije za energiju, Senegal; gđa Marie Donnelly, direktorica za obnovljive izvore, istraživanje i energetska efikasnost Generalne direkcije za energetiku i Adnan Amin, generalni direktor Međunarodne agencije za obnovljivu energiju (IRENA). Ostali govornici bili su predstavnici Programa za zaštitu okoliša i Programa za razvoj UN-a (UNEP i UNDP); Islamske banke za razvoj, Grupe Svjetske banke (WBG), Evropske investicione banke (EIB), Organizacije za ekonomsku saradnju i razvoj (OECD), Evropske banke za rekonstrukciju i razvoj (EBRD), Instituta za istraživanje industrijske tehnologije (ITRI) i Ministarstva za ekonomske poslove Tajvana, Međunarodne agencije za energetiku (IEA); Norveške agencije za razvoj i saradnju (NORAD), Afričke banke za razvoj.

Govornici dvodnevnog parlamentarnog foruma prenijeli su poruke o izazovima s kojima se čovječanstvo danas suočava po pitanju klimatskih promjena, koje bi do 2070.

godine mogle imati katastrofalne posljedice. Većina stakleničkih gasova, koji prijete našoj budućnosti, dolaze od upotrebe fosilnih goriva. Oko 1,4 milijardi ljudi, koji uglavnom žive u seoskim područjima, nemaju pristup električnoj energiji. Stručnjaci su predstavili prednosti energije vjetra, sunca, hidroenergije, biomase i biogasa koji mogu osigurati čistu energiju u cijelom svijetu. Međutim, prijelaz s fosilnih goriva na obnovljive izvore energije odvija se veoma sporo. Osiguravanje osnovnog pristupa električnoj energiji predstavlja prvi korak na putu ka iskorjenjivanju globalnog siromaštva. Također je istaknuta značajna uloga međunarodnih agencija u revoluciji obnovljive energije, te u privlačenju privatnih investicija u ovim energetske projektima.

U regionalnim grupama, podijeljenim na Aziju, Afriku i Evropu, raspravljalo se o brojnim konkretnim koracima parlamenata određenih zemalja u promoviranju obnovljivih izvora energije na način adekvatan specifičnim potrebama njihovih zemalja. Predstavnici parlamenata, međunarodnih agencija i nevladinih organizacija imali su priliku da razmijene najbolja iskustva.

Članovi Parlamentarne skupštine BiH istakli su da Bosna i Hercegovina ima veliki potencijal kada su u pitanju obnovljivi izvori energije. Posebno je bogata vodenim resursima i jedini je izvoznik električne energije na zapadnom Balkanu. Osim toga, BiH ima dobro razvijenu drvenu industriju, te povoljne uslove za korištenje solarne i vjetroenergije. Međutim, i pored značajnog potencijala u oblasti obnovljive energije, još uvijek u upotrebi dominiraju fosilna goriva, ne samo u BiH, nego i u cijelom regionu. Tim povodom, članovi PSBiH su i pokrenuli inicijativu za organiziranje Regionalnog sastanka komisija za vanjske poslove parlamenata BiH, Srbije, Crne Gore i Hrvatske 15. marta 2013. u Sarajevu, s ciljem podizanja svijesti o mogućnostima obnovljive enrgije navedenih zemalja. Također, pozvali su strane investitore da uoče potencijale za investicije u BiH, što bi, osim zaštite okoline i razvoja industrijskog sektora, bila i velika mogućnost za zapošljavanje. Forum „Međunarodna saradnja za energetske revoluciju“ ocijenjen je veoma značajnim, a na njemu su se mogla čuti iskustva i metode primjene obnovljivih izvora energije u drugim zemljama koji se mogu primijeniti u uspostavljanju zakonskog okvira u BiH.

Na završetku Foruma istaknuta je ključna uloga parlamenata, kao jedinih koji imaju najveću mogućnost u rješavanju klimatskih problema. Članovi parlamenata donose zakone, usvajaju budžet, mogu uticati na nacionalnu politiku, izgraditi jake zakonodavne okvire i uspostaviti značajnije aktivnosti s ciljem revolucije obnovljive energije.

Pripremila:

Lara Borovina

Odobrio:

Mirza Kušljugić

Prilog – program Foruma

Dostavljeno:

- naslovu
- a/a